

Mladi Romi kao ponos društva: Dalila je magistrirala desetkom, a Faris želi biti slavni fudbaler

Piše: A. B./Klix.ba
16.6.2016. u 14:09



Fond otvoreno društvo BiH i Udruženje Obrazovanje gradi BiH potpisali su danas ugovore za stipendiranje 100 učenika srednjih škola i 15 studenata Roma u školskoj/akademskoj 2016/2017. godini. Među stipendistima su Faris Sejdić i Dalila Ahmetović.

Faris je vrlodobar učenik drugog razreda Mješovite srednje škole Hazim Šabanović u Visokom i dvije godine prima stipendiju Udruženja Obrazovanje gradi Bosnu i Hercegovinu, koja mu mnogo znači u izvršavanju đачkih obaveza, ali i u ostvarivanju sna da postane slavni fudbaler.

"Stipendija mi pomaže u ostvarivanju pozitivnih rezultata u školi. Treniram fudbal u Fudbalskom klubu Mladost-Doboj iz Kaknja. Novac koristim za prijevoz iz Visokog u Kakanj, a nađe se ponešto i za porodicu. Udruženju sam najviše zahvalan jer mogu trenirati fudbal", rekao je za Klix.ba Sejdić.

Posebno ističe činjenicu da se nikada u društvu nije osjetio diskriminiranim i da se ponosi onime što jeste.

"Moji drugovi su Romi i na to sam ponosan", naglašava Sejdić.